

1e/pers8

**PERSVERKLARING UITGEREIK DEUR DIE VOORSITTER VAN DIE KOMMISSIE VAN ONDERSOEK RAKENDE DIE VOORKOMING VAN OPENBARE GEWELD EN INTIMIDASIE**

1. Die Kommissie van Onderzoek rakende die Voorkoming van Openbare Geweld en Intimidasië het sy inhuldigingsvergadering op 28 en 29 Oktober 1991 in Pretoria gehou.
2. Die lede van die Kommissie het hul taak in die algemeen bespreek. Die volgende is besluit:
  - 2.1 Om die onafhanklikheid van die Kommissie te beklemtoon, in besonder sy onafhanklikheid van die Regering, die Wetgewende Gesag en enige politieke party.
  - 2.2 Die Kommissie se primêre funksie is om die insameling van feite met betrekking tot openbare geweld en intimidasië in die Republiek te rig en te koördineer. Ingevolge die statuut waarkragtens die Kommissie ingestel is, word "openbare geweld en intimidasië" gedefinieer as geweld en intimidasië wat gepleeg is om bepaalde politieke oogmerke te bereik.
  - 2.3 Ten einde die wye mandaat wat aan die Kommissie opgedra is te verwesenlik, sal die Kommissie as 'n geheel poog om nie betrokke te raak by verhore rakende plaaslike of streeksinsidente of twispunte nie. Vir hierdie doel sal

die Kommissie toepaslike versoeke tot die streeks- of plaaslike dispuutbeslegtingskomitees rig wanneer hulle tot stand gebring is. Indien dit nodig sou word om voor daardie tyd openbare ondersoeke te hou, sal 'n komitee of komitees van die Kommissie, met die instemming van die Minister van Justisie, tot stand gebring word vir hierdie doel. Ondersoeke sal deur die Kommissie self gehou word alleenlik waar openbare geweld of intimidasie gepleeg word of na bewering gepleeg word op 'n nasionale vlak.

2.4 Kontak sal gemaak word met persone en liggame wat dalk oor feitelike inligting oor openbare geweld en intimidasie beskik en hulle sal uitgenooi word om sodanige inligting aan die Kommissie beskikbaar te stel.

2.5 Lede van die publiek word uitgenooi om enige feitelike aangeleenthede wat binne die Kommissie se opdrag val, skriftelik onder sy aandag te bring. Korrespondensie kan aan die Sekretaris van die Kommissie van Onderzoek rakende die Voorkoming van Openbare Geweld en Intimidasie, Privaatsak X858, Pretoria, 0001, gerig word.

2.6 Geen lede van die Kommissie sal direkte kontak met die media hê nie. Waar toepaslik, sal besluite geneem deur die Kommissie rakende sy funksies of enige ander aange-

er of

nities  
de die  
g is,  
n die  
gehouan die  
ehalwe  
enbare  
nodigeinde  
weerde  
Oos-  
aat S  
wordn mnr  
ek sal  
nekort  
t oor  
k word  
.s van  
g.

PERSVERKLARING UITGEREIK DEUR DIE VOORSITTER VAN DIE KOMMISSIE VAN ONDERSOEK RAKENDE DIE VOORKOMING VAN OPENBARE GEWELD EN INTIMIDASIE

1. Dit word bevestig dat vertoë van die Free State Consolidated Gold Mines (Operations) Beperk (Freegold) in verband met die dood en besering van werknemers van die President Steyn Goudmyn op Sondag, 3 November 1991, ontvang is.

2. Dit verbaas my dat Freegold dit van pas gevind het om die inhoud van hulle skrywe aan my, wat laat gister middag ontvang is, eensydiglik openbaar te maak. Ek aanvaar dat Freegold ten volle daarop geregtig is om die feit dat hulle die Kommissie genader het, openbaar te maak. Dit is egter nie vir die behoorlike funksionering van die Kommissie bevorderlik indien die inhoud van mededeling aan en van die Kommissie as openbare dokumente beskou word, nie.

3. Om die Kommissie in staat te stel om te kan besluit welke stappe ten opsigte van hierdie ernstige aangeleentheid gedoen moet word, sal die belanghebbendes onmiddellik versoek word om inligting aangaande die voorval, waaroor hulle mag beskik, aan die Kommissie voor te lê.

PRETORIA

6 NOVEMBER 1991